

Des Sauvages, ou, Voyage

la 2^e montagne, il diet, que de basse eau
varent en-quantite de morceaux de cui-
ue comme il nous a esté montré, lequel
tombe du haut de la montagne. Passant
de la quatre lieues plus outre tirant a
la coste d'Arcadie, il y a vne autre mine,
& vne petite riuere qui va quelque peu
dans les terres, tirant au Su, où il y a vne
montagne qui est d'vne peinture noire,
dequoy se pelgent les Sauvage : puis à
quelque six lieues de la seconde mine, en
tirant à la mer, enuiron vne lieue proche
de la coste d'Arcadie, il y a vne isle où se
trouue vne maniere de metal qui est cō-
me brun obscur, le couppant il est blanc,
dont anciennement ils vfoient pour leurs
fleches, & cousteaux, qu'ils battoient avec
des pierres : ce qui me faict croire, que ce
n'est estain, ny plomb, estant si dur comme
il est, & leur ayant montré de l'argent, ils
dient que celui de ladicte isle est sembla-
ble, lequel ils trouvent dedans la terre,
comme a vn pied ou deux. Ledit Sieur
Preuert a donné aux Sauvages des coins
& cizeaux, & autres choses necessaires
pour tirer de ladicte mine, ce qu'ils ont
promis de faire, & l'annee qui vient d'en
apporter, & le donner audit Sieur Pre-
uert. Ils disent aussi qu'à quelques lieux ou